

# JPN siasat dakwaan bayi Malaysia diperdagang

Kosmo  
28/11/16  
M/S -10

**PUTRAJAYA** - Jabatan Pendaftaran Negara (JPN) akan mengambil beberapa langkah bagi menyasat dan mengambil tindakan terhadap pendaftaran kelahiran yang didapati tidak teratur atau dipalsukan.

Ketua Pengarah JPN, Mohd. Yazit Ramli berkata, langkah yang akan dilaksanakan ialah melakukan semakan semula terhadap pendaftaran bayi yang didapati telah diperdagangkan dan memastikan ketepatan pendaftaran tersebut.

"Sijil kelahiran yang telah dikeluarkan akan disenaraihitamkan, — melakukan siasatan dalaman, mengesan klinik-klinik yang terlibat dan membuat laporan kepada pihak polis untuk tindakan perundangan," katanya menerusi satu kenyataan di sini semalam.

Beliau berkata demikian sebagai mengulas mengenai dokumentari bertajuk *Ma-*

*laysia : Babies For Sales* yang disiarkan oleh rangkaian televisyen antarabangsa Al-Jazeera menerusi program *101 East* pada 25 November lalu.

Dokumentari itu mendedahkan laporan tentang sindiket penjualan bayi untuk dijadikan anak angkat yang didalangi warga tempatan.

Mohd. Yazit menjelaskan, JPN memandang serius mengenai isu pemerdagangan manusia dan akan mengambil tindakan tegas terhadap pegawai JPN yang terlibat dalam pengeluaran dokumen secara tidak teratur.



**KERATAN Kosmo!** semalam.